

Logosoft d.o.o. Sarajevo, Igmanska 9, 71000 Sarajevo, BiH, ID broj: 4200236190009, u daljem tekstu Prodavac, kojeg zastupaju zamjenik direktora Damir Dizdarević i izvršni direktor za finansije Žana Čubrilović

i

ZAVOD ZA INFORMATIKU I STATISTIKU KANTONA SARAJEVO, Reisa Džemaludina Čauševića 1, 71000 Sarajevo, ID broj: 4200662290002, u daljem tekstu Kupac, koje zastupa direktor Timur Gadžo

zaključili su

UGOVOR za nabavku upravljivog L3 preklopnika sa 24 porta

LOGOSFT d.o.o.
4063
08-12-2017

Predmet ugovora

Član 1.

Predmet Ugovora je nabavka upravljivog L3 preklopnika sa 24 porta za potrebe Kupca, sve prema uslovima iz Konkurentskog zahtjeva za isporuku upravljivog L3 preklopnika sa 24 porta broj: 26-14-250-1/17 od 06.11.2017. godine (u daljem tekstu: Konkurentski zahtjev), broj obavještenja sa Portala JN 383-7-1-9-3-2/17 od 08.11.2017.godine, te u skladu sa Ponudom Prodavca br: 094-01-SA/17-T, od 22.11.2017. godine (u dalje tekstu: Ponuda).

Konkurentski zahtjev i Ponuda čine sastavni dio ovoga Ugovora.

Predmet nabavke je Cisco Catalyst 3650 24 Port Data 4x1G Uplink IP Services, detaljno specificiran u Ponudi.

Kupac je Ponudu Prodavca prihvatio donošenjem Odluke o izboru dobavljača u postupku javne nabavke, broj: 26-14-250-12/17, od 05.12.2017. godine.

Cijena i uslovi plaćanja

Član 2.

Vrijednost nabavke iz ovoga Ugovora iznosi:

8.983,66 KM bez uračunatog PDV-a

odnosno

10.510,88 KM sa uračunatim PDV-om.

Član 3.

Kupac se obavezuje na sljedeći način izvršiti plaćanje:

- Plaćanje 100% vrijednosti Ugovora iz Člana 2. će se izvršiti u roku 15 dana od dana isporuke predmeta nabavke.

U slučaju da Kupac ne izvrši plaćanje u roku i na način predviđen ovim Ugovorom, Prodavac mu zaračunava zakonsku zateznu kamatu i zadržava mogućnost upotrebe svih zakonskih sredstava da bi izvršio naplatu svojih potraživanja.

Rok isporuke i garancija

Član 4.

Rok za isporuku opreme koja je predmet nabavke je 30 dana od dana obostranog potpisivanja ovog Ugovora.

Garancija proizvođača je **3 godine**, i navedena u Ponudi Prodavca.

Viša sila

Član 5.

Ugovorne strane su saglasne da u slučaju da poslije zaključenja Ugovora nastupe okolnosti više sile koje dovode do ometanja ili onemogućavanja izvršenja ugovornih obaveza, rokovi izvršenja obaveza ugovornih strana će se produžiti za vrijeme trajanja više sile.

Viša sila podrazumijeva eksterne i vanredne događaje koji se ne mogu predvidjeti, koji su se dogodili bez volje i uticaja ugovornih strana i koji nisu mogli biti spriječeni od strane pogođene višom silom.

Kao viša sila se mogu smatrati, ali ne isključivo, događaji kao što su poplave, zemljotresi i požari, rat, neredi većeg obima, štrajkovi, imperativni propisi državne vlasti (zabrana prometa uvoza i izvoza).

Ugovorna strana pogođena višom silom će najkasnije u roku od 3 dana od nastanka okolnosti više sile obavijestiti o istom drugu ugovornu stranu i dostaviti odgovarajuće dokaze, te nastaviti da ispunjava ugovorene obaveze u mjeri u kojoj je to razumno moguće. Ukoliko okolnosti više sile traju duže od 3 mjeseca, svaka ugovorna strana ima pravo da raskine ovaj ugovor.

Povjerljivost

Član 6.

Ugovorne strane su saglasne da će ovaj Ugovor i sva dokumenta i podatke u vezi s njim dobijene od druge ugovorne strane tretirati kao povjerljiv materijal i da ih neće otkriti u bilo kojem obliku trećem licu bez prethodne pisane saglasnosti druge ugovorne strane.

Otkrivanje sadržaja ovog Ugovora, dokumenata i podataka u vezi s njim, zaposlenima bilo koje ugovorne strane prihvatljivo je samo u svrhu ovog Ugovora i isključivo u mjeri u kojoj je to neophodno za realizaciju Ugovora.

Raskid Ugovora

Član 7.

Raskid ovog Ugovora, uz zadržavanje prava na naknadu štete u skladu sa Zakonom o obligacionim odnosima FBiH je moguć, u sljedećim slučajevima:

- Sporazumom ugovornih strana,
- Jednostranom izjavom volje jedne ugovorne strane, ako druga ugovorna strana ne ispunjava ugovorne obaveze,
- U drugim slučajevima predviđenim Zakonom o obligacionim odnosima FBiH.

Raskid Ugovora nastupa u roku od 8 dana od dana dostavljanja izjave o raskidu drugoj ugovornoj strani. Raskid Ugovora nije moguć u slučaju neznatnog tj. zanemarljivog neispunjenja ugovorne obaveze.

Sporovi

Član 8.

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješenje nastalih sporova, isti će biti riješeni putem Općinskog suda u Sarajevu.

Završne odredbe

Član 9.


Ugovor stupa na snagu danom obostranog potpisivanja.

Sve eventualne dopune i izmjene ovog Ugovora moguće je obaviti pisano, u vidu aneksa ovog Ugovora.

Na sve odnose koji nisu definisani ovim Ugovorom primjenjuju se odredbe Zakona o obligacionim odnosima.

Ovaj ugovor je sačinjen u 4 (četiri) istovjetna primjerka, od kojih po 2 (dva) za svaku ugovornu stranu.

Za Prodavca:



Damir Dizdarević, zamjenik direktora



Žana Čubrilović, izvršni direktor za finansije

Broj: 206-01/17

U Sarajevu, 07.12.2017. g.

Za Kupca:



Timur Gadžo, Direktor

Broj: 26-14-250-14/17

U Sarajevu, 07.12.2017. g.